

餘姚縣志卷八

水利

湖

宋慶曆八年餘姚知縣謝景初具狀申上轉運稱縣見管陂湖三十一所並係眾戶植利蔭田著在圖經累有詔敕山澤陂湖不得占佃請射及無簿籍稽管官司因人請託或受賂遺許令豪右請射作田以起納租稅爲名收作己業廢奪民田蔭溉之利爲害不細欲乞敷奏敕下本屬明置簿籍稽管更不得以起納租稅爲名輒行請射如違其所請人及所管官司重行朝典尋轉運如狀具奏皇祐元年奉旨送三司依所奏施行縣司遂帖取責諸鄉湖水植

餘姚縣志

卷八

水利

利人戶具析本湖長闊丈尺頃畝四至蔭田數目縱閉時刻依例置簿赴縣點對每年三月至七月植利人戶輪差七人巡湖專管盜湖爲田如不覺察每盜種一畝每人罰錢三百文每湖塘一里差人戶二名看管塘隄并蔭固湖塘樹木湫堰一月一替於界首蓋小屋子充守宿置簿遞相交割赴官簽押如不覺察有失申報損缺或被人偷盜塘隄樹木等事據地分每人罰錢一貫文並置版碑一面向出示今後並不得妄有請射改作己業故違敕旨其榜簿所具謂之規繩皇祐紹興間知縣王敘趙子瀟皆嘗刻之以給植利人戶嘉泰中知縣常稽次成書名曰古規湖經元至元間知縣汪文璟再刻以傳明成化間紹興知府彭

誼復於舊經之後增述諸湖四至之未備者誼序次日姚江北四十里際海並江之田漑湖水湖所不及者則因山爲湖以備旱而各有界或去湖二三十里亦得蔭之而近在十里之內反不得者蓋地有高卑水有限節也江之南近山而去湖遠者亦用是法然民皆倚是爲命利不均則爭謝廷評畫爲規繩世守之弗敢變苟有爭藉此爲明徵也故志有所取焉

嘉靖志

水利莫大於湖陂海隄湖以蓄水之利隄以禦水之害湖經言有姚江以通灌溉之利其湖水所不及者從事於湖故近江之湖往往而廢不知一月不雨則鹹潮立至龍尾不鳴夏秋之交其爲一月不雨者多矣專倚江水凶年所餘姚縣志

卷八

水利

二

以疊見也顧昔賢引漳鑿渭尙不難開其所無而今何不困所有而利導之乎

康熙志

湖經今所見蓋成化本夫歷更數賢之手足稱詳備然考各湖及蔭田頃畝之數多誇張而無實如牟山湖稱灌田二萬二千頃有奇全書通邑計畝僅滿六十萬而牟山湖乃三倍而有餘推之各湖皆然此蓋一開卷易見而以諸賢之明達漫焉不省必非然也抑植利者所僞增歟今別無可證謹仍湖經所載以俟考核

乾隆志引萬曆舊志

湖經所載灌溉頃畝萬歷志譏其語多誇張舉牟山湖以爲證余初議博訪都人士考正諸湖疆界並欲親詣湖壩勘其四至覈實其灌溉田畝作湖考一書會余將調任有

所不暇今所載諸湖俱從湖經原文不易一字惟康熙志

於汝仇湖有脫文茲據湖經暨萬曆舊志為增補三十八

字焉乾隆志

案舊志湖陂悉據湖經茲亦仍從舊志惟水利廢興今

昔或異塘開土門之屬事兼蓄洩更置不一謹據采訪

俾後有考焉

牟山湖一名新湖在東山三都周五百頃二十三畝三角

二十步嘉泰會稽志作周三十里東北有土門案嘉泰

書頃畝若干土門幾何多與嘉靖志以來諸

志不同今一一附載以明沿革從嘉靖志例東距獅子山

西距上虞之鎮都橫塘南距姜山北距湖塘灌田二萬二

千七百八十七頃放水土門三一在蘭風班兒村魏晟保

化中俱歇水石湫一在胡吉保其水道南流至於東山一

改石開歇水石湫一在胡吉保其水道南流至於東山一

餘姚縣志

卷八

水利

之風林堰水涇堰馬渚堰聞家堰甄家堰練子堰東南至

於獨溪三都之丁真堰沈家堰游源堰樊經堰濞池堰杜

公堰東至於開原一都之盛涇堰長堰戴家堰小里堰東

北至於孝義一都之橫路堰小趙堰後樂堰夾尚堰大趙

堰任堰大程堰小程堰陸家堰梁家堰大陡堰又至於雲

柯一都之中滔堰小馬堰張伯堰矮黃堰陸靖界堰又至

於孝義二都之祁家堰許家東堰何陸堰低仰堰以上諸

堰上陸本湖水下通潮夕西南至於蘭風三都之柯家堰

與夏蓋湖分界堰上陰夏蓋湖水堰下陰本湖水西至於

東山一都之湖球堰上鄉心霸竹橋霸木條壩諸壩接登

壩宋公壩上陸余支湖水下陰本湖水西北至於東山二

都之楊水壩陸家莊堰張健壩上陰余支湖水下陰本湖

水北至於開原二都之諸水涇堰東蒲堰箬林堰何山堰

呂安堰邱保堰上陰汝仇湖水下陰本湖水又至於孝義

二都之徐堰張虎堰孫塘堰湖堰許家堰上陰汝仇湖水

下陰本湖水諸堰壩皆承閉不啟嘉靖九年復教場以王宿

案府志引萬曆志牟山湖始於嘉靖九年復教場以王宿

灣竹山西岸高阜處一百三十畝給賞倪王二姓民後築

江南城其基地皆民房或熟田價無所出或議以牟山湖

田償之由是告田湖者相接起其實非盡蠲城基者也其

後三十餘年侵湖幾半矣萬曆十六年修復牟山湖邑人

趙錦有記文錄金石舊放水土門三今存石開二日屢豐

開俗名單眼開曰大有開俗名雙眼開六鄉公議每年清
明後五日黎明開國朝乾隆四十五年立石湖上同治十
一二年連遭亢旱蓄水無多邑人劉月瑞創捐錢二千七
百餘緡並集六鄉紳耆潛湖培堤加三尺長十里費不
足又有邑人劉青錢巡湖培元魏鼎三等捐錢二千緡
開始一律竣工舊志開原二都孝義二都潘界堰稱上蔭
汝仇湖水下蔭木湖水白汝仇湖廢諸堰大半開放於是
湖水又兼灌西北諸鄉矣惟長冷港以東上下河分界諸
堰則存者什九上蔭光緒二十四年里人陳淦等測定湖
本湖下通潮汐如故光緒二十四年里人陳淦等測定湖
界刊有湖圖劉福升率山湖水利圖跋光緒乙未之歲陳
縣君請示將牟山湖私墾田先行剝復為六鄉水利計誠
善舉也顧善始必善終自汝仇湖廢後余支湖又於小
在昔三湖承蔭田畝各有界堰今則十存一二凡蘭風東
山開原獨溪雲柯孝義六鄉所賴以蔭田者牟山湖實為
命府也使徒濬於一時而不作經久之計千鈞一髮不誠
可慮哉爰有嚴君子弔工於繪事自丁酉夏五至戊戌暮
春探訪周覽照牟山湖周圍丈量其湖邊已創私田并私
佔窩場逐一編號註明丈尺載入牟山湖志以便清查至
於湖水所到之處接繪河圖以長冷港為餘河照邑志所
載逐細訪查凡長冷以東諸堰有今昔異名者有今改為
餘姚縣志 卷八 水利 堰有四

歸者有今改車壩者皆下通潮汐勘歷詳明至長冷以西
諸堰西南與余支湖分界西北與汝仇湖分界圖內照舊
志用紅綫分出其堰有僅存基址者有已無形迹者有今
改爲橋者有開通中流者按查清確歷誌諸圖湖計丈尺
河計里數庶幾全湖源流可以按圖而攷至於攷證
明晰則另有牟山湖志以垂經久茲圖特其嚆矢爾
汝仇湖在東山二三等都原計九百七十一頃六十三畝

三角三十步 嘉泰會稽志作周三十里有湖內籍田七百
餘畝註云湖南先有田數多紹興二年得旨
復廢其西北一角撥填臨山衛基量琮一千二百八畝八
分五毫爲田給民翻種外今止九百五十九頃五十四畝

南距山又距喻格堰孟家塘與余支湖界北距海隄灌田
九千七百二十五頃放水土門六 在東山二都之謝拱保
之陳眾保倪賢保內者各一是一爲東土門三都之張滿保
張翼保內者各一是一爲西土門東土門之水東流至於孝
義二都之林家堰湖堰孫塘堰張虎堰徐堰并減水開一
道上蔭本湖水下蔭牟山湖水東南至於開原二都之界

堰耶保堰呂安堰善林堰東蒲堰諸水涇堰上蔭本湖水
下蔭牟山湖水又至於東山二都之壘堰沙堰上蔭本湖
水與千金湖水分界堰北塘下舊因臨山衛軍船取徑開通
河港乃於練球堰相對築橋下作埝洪武初既將西北
一蔭春夏修築秋冬開放餘堰俱無啟閉洪武初既將西北
十七年者民黃原敬上言乞築湖北海地為湖以補洪武二
之數則水可足乃下其議於浙江按察使於是副使楊名
躬按視之乞如原敬言乃築新海湖周一千餘畝與汝仇
湖之水併於汝仇乃始決之是後請射繁興大妨水利訟
湖者累累不能決萬歷己止者民楊全等控情三院檄府
縣勘覈於是邑侯葉君焯躬詣相度劃去估佃者十之九
居民遂於湖東偏地名大湖門為葉侯擇地建祠邑人大
司馬翁大立為之記其略曰濱汝仇湖而居者皆鉅宗大
踞海濱自相雄長耕牧漁樵並依湖牟利里豪意忌訟湖
者累歲不能止息賴督撫尚書胡公宗憲為邑令洵曉弊
源微邑令徐君養相立碑垂後願碑猶未立估佃者如故
一逢水滂恐妨私田盜決湖防而湖外之田及旱乾無救
矣又賴水利道陳公擒渠魁數人斃杖下闢訟少衰顧湖
防築矣增高培薄之功未施雖有湖防無益也堽堽設矣

卷八

水利

五

餘姚縣志

啟閉不關於縣官雖有厲禁無益也徐湖何山三堰成矣
憾以狂濤不焚以石無益也佃價革矣追紆粒而遷延歲
月不登循環無益也濱湖者不觸禁矣城居勢家復估湖
以事重斷雖有賢有司無益也語曰天下攘攘皆為利往
利之所在即賢達士大夫寧免染指哉萬曆己丑九月耆
民楊全輩控情三院並移分守參政王公檄府縣勘覈於
是縣令葉君躬詣湖堽集眾相度劃去湖田二百六十畝
有奇海湖地七百餘畝即追佃業者籽粒修築湖門堽石
為隄帖眉山巡檢往來偵察以申復院道而離院韓公適
以行部至檄縣樹碑以垂不朽授簡於子而宋史紹興
間寶文閣待制李光上言明越之境皆有陂湖高於田
田又高於江旱則放湖水溉田水由江入海故
不為災政和以來創為應奉始廢湖為田自是兩郡之民
歲被災患如餘姚上虞兩邑自廢湖以來所得租課不過
數千斛而所失民田常賦動以萬計遂先罷兩邑湖田今
日之事甚類紹興李光之言似為今日夜賢留心民瘼者
念之哉念之哉萬歷四十二年民謝伯盛等侵佔新海湖
楊位等呈於撫按知縣董羽辰親湖田天啟五年
奸民謝超指新海湖為天漲海湖以夫上學田為名共佃
地一千五百畝零自此海湖與大湖分徵濶濶不廣崇禎
五年謝瑞復請佃知縣梁佳植禁之九年朝議開屯朱秦
清乘之遂上言汝仇等湖皆可屯田科臣王家彥阮震亨

駁其不可奉旨大徵餘姚等處既開屯無利有害不准行
十一年謝超具呈戶部請佃汝仇湖杉畝浙江撫按署印
饒若蒙申其不便狀超百計營佃以犯眾怒遂至矚目折
足縣民楊忠叩關言湖必不可廢部覆是忠於是佃湖之
議始息康熙今廢案東山三都有大湖門第二門第三
志參乾隆志康熙今廢門第四門並汝仇湖之東土門日湖
廢不復設開大湖門均址改為橋二洞第二門開光緒二
十年堵第三門第四門均早改為橋此湖雖廢已久前志
不入廢湖蓋尚有餘
羊之意也今仍之

余支湖在東山一都周五百頃二十三畝三角二十步
會稽志作周二十里有土門
七所湖內籍田三百餘畝
東西西南三面距山北距踰隔

塘孟家塘與汝仇湖界灌田八千二百九十二頃舊土門

七今土門三石闌二
洪武開廢陳贊保之施家門方旺保
之破塘門而存孫兒雅保之干山土

門何耶保之李家塘土門陳昶保之東北向土門其馮明
村陳贊保之嬰山上門余支村顧歇保之東土門則改為

石開東石闌及北向土門之水東灌於東山一都之宋公
堰姜家堰南灌於竹橋堰鄉心堰矮凳橋堰諸般灘堰上

餘姚縣志 卷八 水利 六

蔭本湖水下蔭牟山湖水北灌於東山二都之沙堰董堰

上蔭本湖水下蔭汝仇湖水東北灌於木籬堰陸家莊堰

張健堰上蔭本湖水下蔭牟山湖東北灌於西石闌及干山李家

塘土門之水西灌於兩灌注堰西北灌於楊湖堰並界於

上虞縣西南灌於蘭風三都之馬家堰南灌於二都之湖

埭堰俱上蔭本湖水下蔭牟山湖之水西灌於兩灌注堰西北灌於楊湖堰並界於

於上虞北灌於二都之顧堰嘉靖志參康熙志乾隆

志乾隆八年奸民赴司請墾余支湖親勘蘭風都三面皆山

何學思等言不便知縣蔣允焄親勘蘭風都三面皆山

不通潮汐支港易涸賴余支湖灌溉田畝別無高阜可墾

奸民之潛謀私墾者如律懲治立碑永禁案乾隆間又

廢陳昶保之東北向土門其嬰山門及干山李家塘門
之水西南灌於蘭風三都之湖埭堰並馬家堰北上之新
堰及蘭風一都三都界之兩灌注堰上虞界之龍舌堰黃
明四堰西灌於上虞界之楊湖堰及蘭風一都之湯巷堰
蘭風二都之顧堰小夾堰洞橋堰張公堰張清堰又兩灌
注堰舊有石闌與湖東開同春築秋放餘堰俱不啟閉湖
東開之北有減水一道乾隆三十一年立其文曰蘭風承
蔭減光緒二十三年里人何若濟蔣懷清等清查水利取
水石

沿山原有田畝測繪湖圖稟縣重申私墾之禁立石湖心

亭牛蘭廟刊有圖志知縣周炳麟余支湖圖志序地之大

非人事補救蓄洩有方均不免於有害而况民食所關于

百家生靈三時勞苦仰給於中者哉昔漢自公為趙中大

夫穿渠引涇水注渭中溉田四千五百頃後之言水利者

皆祖之厥功固甚偉焉顧興百年之利則甚難而挽積久

之弊尤不易東南各省講求水利較西北為優其間因利

相爭之案亦復層見迭出至於九河故道尚有遷移淺渚

沙汀豈無淤積小民貧圖近利往往盜墾灘地年復一年

愈侵愈甚無人舉發遂為恆業壞前人之功貽無窮之患

此等地方亦各處皆有後之人雖明知其故而勢不可復

蓋杜弊當在於臨時而年久則難為力也然則蓄水以資

灌溉禁墾以杜覬覦固亦有司者之責而居是鄉者亦當隨

時留意而不容一日因循者也姚治西北五十里有余支

湖者載在邑志為蘭風各鄉灌溉之利乾隆八年鄉民咸

元廷等呈請余支湖近山湖灘約可墾田千餘畝經前令

蔣查勘斥誣示禁在案迄今已百餘年矣本年重修邑志

循例清釐水道該鄉紳耆繪成全圖呈閱問序并將舊志

所刻界址訛誤之處訪查訂正一面仍請示勒禁余忝宰

是邦時屢民瘼既據詳晰呈明事關地方利益應如所請

該紳耆等保衛水利亦足徵公而忘私可嘉之至用綴數行以弁諸首

餘姚縣志

卷八

水利

七

燭溪湖在龍泉二都周一百三十二頃八畝一角二十步

嘉秦會稽志作周 東西南三面距山惟東北一隅限以本

湖之塘灌田一千一百七十五頃六十畝陡門二村宋王保

保內者為湖東石陡門羅逸村朱從保內者為湖西木陡

門舊為土門湍悍善敗宋慶元五年縣令施宿並作石關

本湖該梅川龍泉治山燭溪四鄉六都地勢高低不等古

規設置堰關分為上下二原其梅川二都計八里半梅川

一都六里龍泉一都內二里龍泉二都內七里以上俱屬

上原東以匡堰為界西以橫河堰姚家堰小羊山堰張溝

堰為界北以羅樹橋關為界俱以東門之水灌之其龍泉

一都內五里龍泉二都內二里俱屬下原東以上原西界

為界其中有樣堰陳堰馬堰節水西以石堰西開堰南漱堰

為界其燭溪一都六里沿山一帶雖接江湖灌蔭不週舊

立焦家陡門每遇放湖後二日次開西開堰引取湖水到

彼溉蔭至茅山堰黃公堰止及治山一都二里在南漱堰

西有江浦相連亦與西開堰同時放水灌蔭至方清堰止

俱以原門之水灌之宋宣和以前每決湖必並啟東西二

門上原地高印水難猝行而其所灌田多至九萬五千六

十畝下原傾卑易流而江湖又日侵之其灌田則止二萬

二千五百畝以故上原坐受旱災世與下原諸豪家爭宣
和初縣令汪思溫乃改作湖西門隘之凡三尺又於下原
作樣堰東堰馬堰及焦家陡門節水使毋下流而上原之
水猶不應慶元五年縣令施宿乃合鑄廣東門石底凡三
尺又洪湖先决東門一日夜乃决西門於是水利適均下
原人乃皆黨比盜決諸所節水堰關放之於江故旱上原
之田成化十三年湖溢西門壞復乘其改作闕思溫所築
凡五尺上原人乃訟之於縣於府於臺久不決於是
梅川胡禮上其事於廷其略以爲定決水之先後作湖門
之廣狹以均一方之水利此固昔人隨宜料理之深意然
海川之民不能日夜堤防於西門而龍泉之豪動相煽誘
盜决於一旦則期雖有先後之殊門雖有廣狹之異而此
湖之水終漏於下原此方之民終苦於上原是以前世紛
爭而不息立臣愚以爲莫如丈計二原之多寡築塘於湖
而分其水則上原均蒙灌溉之利下原坐消盜决之奸利
永民安殊爲至計上報曰可於是行浙江按察使嚴治之
副使文貴履湖檢田築塘分湖爲兩自梅澳湖航渡西山
以東俱屬上原塘以西屬下原自是利均訟息嘉靖十四
年湖塘復壞禮之孫東泉視事都察院復以言令有司率
民修之利今如故云嘉靖志參康熙志乾隆志雍正
十一年胡某私墾湖田一十六畝三分備緣報陞既而奸
民盜墾日甚居民患之籲情合控乾隆十九年院司檄知

餘姚縣志

卷八

水利

八

縣李化楠同上虞知縣杜首瀛詣湖覈視盡劃盜墾之田
重懲奸民勒碑垂禁准胡某報陞之田未劃三十二年胡
某以報陞田卑墊易盜决湖隄洩水居民復以爲言知
縣多澤厚申其不便狀迺釐正舊界劃削報陞田一十六
畝三分除其科稅案乾隆十九年八月邑令李化楠有
奉憲禁墾燭溪西湖碑立石湖頭廟中嗣後復有私墾之
事經邑令何煦繪李樂崔家蔭先後懲治督闡劃墾一如
乾隆間事龍泉鄉人屬同邑朱閣學蘭爲記詳敘其事咸
豐五年夏立石西湖頭同治七年
湖塘傾壞梅川鄉人備資修築

梅澳湖即燭溪湖航渡西南之一曲北與燭溪湖通有陡

門今屬上原嘉靖志

黃山湖在雲柯二都周一百三頃三十三畝一角二十步

嘉泰會稽志作周二十八南西二面距山東界附子湖北

至海塘灌田一百頃有奇低土湫大土門一砂堰一門大土

水東灌於雲柯二都之廣野廟闕又至於柯莊堰堰西蔭
木湖水堰東蔭附子湖水西灌於過佐橋至黃清堰昔黃

清堰在柏山則堰上受新湖之水東有唐家堰與木湖相
界及黃清堰徙於柏山之北則新湖之水盡灌於堰下故
開唐家堰為橋引本湖之水直抵堰上昔年亦有擅塞唐
家堰不使本湖之水西流居民告縣開通迄今無改西南
灌於丁宗宅角堰上港則土蔭本湖水下港田土蔭子
湖水西北灌於黃牛塘之北堰南灌於新湖漾塘北灌於
海塘沙堰土門之水康熙志於沙堰下界開而止上蔭木湖
水下蔭獨姥湖水康熙志於沙堰下界開而止上蔭木湖
記略湖在雲柯中河地有五柱十人以其事歷山張祠
與許祠為一柱塹里張祠與三牆門張祠為一柱茅姓與
高地陳祠為一柱塹華地陸祠與遜馬橋張祠為一柱茅姓與
盧祠為一柱塹年輪管培修塘隄道光二十年奸民茅餘
慶等私墾為田兩則放水損人旱則厚水自利民怨甚
柱首茅楚珩等遭抱上控事下浙省大吏飭屬查勘不察
利病懸斷成田闔邑震駭董事張立安等赴轅控告又請
紳士稟呈邑令何申詳撫院梁飭府縣督聞刻復咨部永
禁道光二十九年奸民盜毀湖關希圖復墾邑令何懲其
首惡事遂得寢有道光二十七年巡撫梁按察司董知府
楊二十八年邑令何各禁碑與此碑立石湖上比年水旱
不時東西被災而中河恃以無虞者職此故也再案光緒
十六年陸春元等故違水利章程偷啟柯莊堰開板者
民盧高春等控之邑令忠給示諭禁止立石歷山涼亭
餘姚縣志 卷八 水利 九

獨姥湖在燭溪一都周四頃三十六畝二角四十步 嘉泰會稽

志作周八里 東南北三面距山西限本湖之塘灌田三十

頃陸門一 在湖之西南偏雲柯燭溪二都水道有低印流

承福村邵應沈慶等保為上原周班村王守禮徐照陳政

王襲等保為下原湖水出大河西流至於官路堰又至於

俞序宅角堰北流至於柏山堰南流至於謝汶堰關下流

入大河至於馮珍王孜等堰東流至於孫徐魯山西流至

於陳判堰南流至於普明院之前又至於半山堰其塘北

山下王皓孫等田亦灌之其水道東南北三面皆極於山

西至大河 嘉靖志

新湖在燭溪一都周四頃三畝一角二十步東南北三面
距山西限本湖之塘灌田五頃土門二 東西各一東土門
儻保東流至於唐家堰西流至於黃清堰南流至於茅照
田北流至於官路堰西土門之水入於大河東流至於謝
汶堰西流至於官路堰西土門之水入於大河東流至於謝
宅角堰次開楊殿引水東至官路堰次至馮期宅角堰

次開低墓堰引水南至馮家堰西至官路堰並雲柯之地
嘉靖志 康熙志舊土門東西各一今黃清堰既徙於

北則本湖之水俱在堰之下矣故塞東
土門開唐家堰引黃山湖水直抵堰上

烏戎湖在龍泉一都周三十四畝
嘉泰會稽志 東西西北三

面距山南限本湖之塘灌田八十畝土門一
洪武開改石 關其水東流

至於西鵬堰西流至於黃陵堰南流至於黃
喜保北流浴於湖塘及浴山之田
嘉靖志

千金湖在蘭風三都周一千畝有奇
嘉泰會稽志 東南北

三面距山西限本湖之塘灌田一千頃有奇土門三
第一

水灌蘭風二都第六保田至於南涇港口而止第二門之
水灌蘭風一都第七保八保田至於廿畝橋壩顧打網壩而

止第三門之水灌蘭風二都七保八保田至於練埭
隔堰東北至高原省堰與汝仇湖分界九保田至於練埭

志案舊土門三今俱作石門第一門闊尺三寸第二門
俗呼中湖門闊五尺第三門俗呼大湖門闊六尺八寸五

分湖屋三間看守湖門者居之道
光元年邑令石有禁壑高阜碑記

餘姚縣志 卷八 水利 十

桐下湖在通德三都周五百畝有奇
嘉泰會稽志 作周十

東距山田南北距山西限本湖之塘灌田二頃一十畝石

陡門一在西湖塘北向其水東流盡於湖塘西流至於九

由趾塘東一小石洞嘉靖志參康熙志
案石陡門即

石開在湖塘之西石洞在其東界連慈邑
國朝雍正十

一年慈民決隄捕魚居民余氏控之寧波府顧飭令兩縣
勘審批斷責徵十二年慈民復督稱姚湖石洞慈邑所有

請仿照姚邑改建石關蒙府縣批准姚湖石洞慈邑所有
山府轉道詳院浙撫程批示桐下湖係在姚境縣志湖經

所載甚詳該奸民捕魚決隄藉詞拆毀改闢紊亂成規甚
屬不法即飭慈邑照舊賠築完固勒石永禁今碑石尙存

桐下湖廟中道光二十五年邑人葉
樊翁忠錫等重修湖關顯禁有碑

穴湖在治山一都水經穴湖之水沃
周七頃四十五畝二

角四十步嘉泰會稽志作周
東西南三面距山北限本湖

之塘灌田三十頃陡門一在湖北葉小朱保內其水東流
至於山西至於張邵關朱邵關

南至於杜家堰北至於下莊橋上門 嘉靖志

樂安湖在雲樓一都周二十九頃十五畝二角 嘉泰會稽志作周二

十九頃西北距山東南限本湖之塘灌田一千二百畝土門

三日張家門其水灌於七里之游水田陸日方家門灌於

里七里八里九里之郭家堰家堰濠塘為界日陳家門灌於六

今皆不存 嘉靖志 乾隆志 乾隆二十四年奸民於樂

安湖劃界分疆潛事開墾居民周步雲等控縣知縣劉長

城親勘督令劃制勒碑垂禁四十年周凌遠等踞湖估

舉者民王商美等上控署布政司徐恕檄道府會勘樂安

湖盜墾之田有妨水利即令劃除舊設大小二關歲久頽

圯令王商美等修復以資灌溉而重懲其盜墾者布政司

勒石府堂永禁私墾 案今於舊設二關外復置小關一

距張家門百餘步 臧墅湖在雲樓一都周八頃二十五畝二十五步 嘉泰會稽志作

里周四西北距山東南限本湖之塘灌田四百畝土門一其

餘姚縣志 卷八 水利 土

道一至於駱駝橋一與樂安湖之水接界一至於金家

山趾直至大河邊朱墅湖水接界 嘉靖志 參康熙志

蒲陽湖在鳳亭二都周五百畝有奇 嘉泰會稽志 東距山

民田西距山南距山民田北距民田灌田一千五百畝有

奇土門一 其水東流至於阜角堰又至於九畝陸與鴨蕩

於本湖之塘 嘉靖志 參康熙志 案蒲陽湖舊祇土門一今有石關二

前溪湖在鳳亭二都周二百畝 嘉泰會稽志 東西並距山

南至河塘民田北界湖塘灌田一千畝有奇土門一在湖

其水東至劉宣德堰堰東蔭莫家湖水西至蘭桐堰堰西

蔭蒲陽湖水南至本湖塘北至雙峯堰及阜角堰 康熙

志 案南至河塘句河塘當作湖膝舊祇土門一 今有石關一陡門一注中堰西蔭蒲陽湖水句誤

莫家湖在鳳亭二都周三百畝東西距山南距民田山北

界湖塘灌田一千畝有奇土門一 其水東灌於徐孝墩嚴

於劉宣德堰堰西蔭前溪湖水南沿本湖之塘北灌於嚴
家溝張善名門首 嘉靖志 案劉宣德堰今稱小河頭
嚴家溝張善名門首 今稱張家溝張家堰

趙蘭湖在鳳亭二都周五十畝有奇 嘉泰會稽志作周百

東西距山南距田北界本湖之塘灌田三百畝有奇湫缺

三其水東灌於夏家牛固頭以東蔭蒲陽湖水西至於湖
界堆南至本湖塘北至耶諒家側 嘉靖志參康熙志

案趙蘭湖舊有湫缺三今存石關二注中湖
界堆今稱水界墩耶諒家側今稱卷牌前溝

鴨蕩湖一名雁湖在鳳亭二都周一百畝有奇 嘉泰會稽
志作周百

畝北有 東西西南三面距山北距湖膝灌田三頃一十畝放
土門 日西邊湫其水自袁山人住宅邊古規湫港灌入

水湫四 何家宅與蒲陽湖為界日山頭石湫其水灌於繆
家畧至馬家嶺并吳兩橋與前溪湖為界日單家湫其水

灌於萬家溝日西邊低湫其水灌於周巷水港西至九畝
東厓與蒲陽湖為界 嘉靖志參康熙志 案西邊湫今

自周姓住宅邊灌入周家宅山頭石湫今自大木畧至味
餘姚縣志 水利

黃山與前 卷八 三

溪湖為界 上林湖在上林一二都周五十八頃五十畝一角一十七

步 嘉泰會稽志 東西南並距山北限本湖之塘灌田一百

七十頃石陡門一畝水湫一 陡門在湖塘稍西凡三里其

二原東流至於馬堰又至於張伯奴堰又至於慈谿之界
塘西流至於蔡慶門首之橫路南至於山趾北至於海塘

其下原東流至於白石堰西至於山趾北至於張伯奴堰
又至於海塘又至於張雪堰鄭堰高堰南至於山趾

北至於海塘其決水先過於上原入於大河折而之東
湖經所載如此今湖水自陡門北行入於大河折而之東

則至於白石堰北至於海塘折而之西即至於匡堰開與
燭溪湖之水分界北流經油車橋入卓正港至於溫家壩

繞橋樹園岑章故宅止於海塘經所指馬堰張伯奴堰蔡
慶門首橫路皆莫迹其所又決水皆一次過於所灌之地

絕不分爲上中下原新湖經或據舊經之文失稽正云
嘉靖志參康熙志 乾隆志 乾隆三十七年修築湖塘加

整以石並修復陡門及歇水湫 案上林湖向設司事八
人輪值啟閉湖面周十餘里每年穀雨後二日閉關過白

露啟而不閉其決水所周之處已詳舊志惟北至古塘設有吳山豐登東蔡山西蔡山四開俟放水者因爭斃命累及首事遂至親為畏途紛紛告退湖事幾廢邑令屢飭殷紳接頂有里中生員高步瀛王坤周文格岑巽幹等出已資勉力承辦又捐得民田五十畝以供培築之費歲修而外又以其餘潤鄉試之士並議定章程呈請邑令張青選鑒定製序以垂久遠

上澳湖在上林一都周三頃六十六畝二角四十步嘉泰會稽

志作周三頃有東距奉隱堂山西距黃婆山南距望湖山石間塌各一所

北限海塘灌田二十五頃石門一其水東灌於蓮樹堰虎

上原東至於慈谿之鳴鶴鄉洋浦河塘西至於慈谿之鳴鶴鄉

高堰北至於孫貴門首橫塘為中原東至於慈谿之鳴鶴鄉

鄉洋浦河塘西至於本湖下原人戶之田南至於橫塘北至於海塘為下原舊經決水以上中下為先後嘉靖志

榷湖在通德二都嘉靖志作周三十畝嘉泰會稽志作周五十畝嘉靖志同

餘姚縣志

卷八

水利

三

田八十畝放水堰一東灌於世申寺田西至黃細兒田南盡於山北至於祝茂春田康熙志

東泉湖在雙雁一都周二十三畝二角嘉泰會稽志泉源作周十畝

流注瀦以為湖冬夏不涸灌田三千畝東流至於谿西至石埠周良善田南

至何細一田北至大路嘉靖志康熙志東流至於呂

灌田西至戚譚宅田南至何細一宅北至沈爽田乾隆志康熙二十九年山水暴至衝決湖塘居民於湖旁山麓私築曲隄割湖之半曰小湖乾隆三十五年小湖水竭仍築大湖塘復湖之舊

西泉湖在雙雁二都周二畝三角嘉泰會稽志作周東距七里嘉靖志云誤

田西距黃泥埭浦南距田北距官路其源自葉家潭涌出

流於何家潭天井潭注於本湖湖之水涇一通王山橋浦

內泥東流至於張添五田西至

堰二嘉靖志陰田三百八十六畝有奇嘉靖志頭北至王山橋南抵田嘉靖志

鱧子湖在梅川一都周四頃六十三畝三角五十四步嘉泰

會稽志作周西南並距山東北並界湖塘灌田五頃有奇

水門六日顏興門曰褚林門曰周邑門曰江猶門曰包定

分上下原東流至於羅樹橋關外陰燭溪湖水西至於

雲柯三都入保界山南沿湖塘北界海塘嘉靖志參康

附子湖在雲柯三都周一十六頃八十一畝一十步嘉泰

志作周東距桐樹湖夾塘西距黃山湖長塘南距山北限

湖塘灌田二十七頃一十九畝土門四在吳謙等保其水

灌於廣聖闢又灌於柯莊堰南沿本湖之塘北盡海塘其

鮑家門原係石闢崩毀承灌之田輒被旱災植利人乃各

用資重置石闢緒海地溝水遇澇啟開泄水遇旱則仰給

湖水蔭灌並湖田畝塘下有河嘉靖十七年鄒琛具奏開

河關二丈許杜塘霍漏水之弊至今賴之嘉靖志參康

熙志案此湖嘉道開漸被私墾民輒患旱光緒元年生

餘姚縣志 卷八 水利

員徐爾康陸丙煦等公請剏復資力多出稽志作周

竈戶眾議沙竈亦許兼潤啟放稍分嘉泰會西南

勞家湖在雲柯三都周一十一畝嘉泰會十餘丈

北三面距山東限本湖之塘灌田四十畝有奇土門一其

東灌至於官路路東蔭鱧子湖水西南至於山北

至於民地地北蔭鱧子湖水嘉靖志參康熙志

泉水潭在鳳亭一都不盈二畝分流兩涇灌田四十餘頃

康熙志 咫尺而泉源不竭灌田三百餘畝康熙

冷水堰在通德三都其地不通潮河引堰水灌田七百餘

畝相傳始於元前洪武初龍水衝塌七年里人陸彥彬為

首派植利戶每畝銀二錢西岸沿山鑿溝五里許天啟

五年慈邑爭水知縣祁逢吉斷如舊額康熙志

案以上二泉一堰不以湖名乾隆志亦因其灌溉頗饒據萬厯志併載於此今仍之
附廢湖

桐樹湖在龍泉一都周十一頃有奇宋慶元四年縣令施宿以高卑無水利將七百四十五畝作田布種每年課其稅入海隄倉為築塘之費原存四百畝有奇今已盡廢為田僅存一勾康熙志

松陽湖在通德三都嘉靖志作通德一都闊七十畝嘉靖志作周九十畝東

距湖陸西距河南距姚得善田北距官路蔭田一頃九十畝洪武十九年丈量作田中餘小港一帶引潮車舂

灌田康熙志

寺湖在梅川二都周八十三畝二十步明洪武十九年

餘姚縣志

卷八

水利

十五

悉計畝科入以上三湖廢而未復康熙志

乾隆志案三湖俱廢於明初而永樂紹興府志尙存其名蓋當時尙圖修復也今無可復考

湖在上虞界分蔭餘姚者共三所

漁浦湖在治西北六十里上虞縣之永豐鄉亦名白馬

湖案舊經引夏侯曾先志云驛亭埭南有漁浦湖深處可二丈漢周舉乘白馬遊而不出眾駭以為神因稱白馬湖十道志周一百一十五頃六十五畝二角三十云舜漁處也

六步東西南三面距山北限以塘與夏蓋湖界灌餘姚之東山蘭風開原三鄉及上虞之西潛五保田一百二

頃四十畝土門一在上虞縣三都之賞家保唐貞元中置湖門三所別於北門置放水塘四

百步今止存其一門每決水必先築夏蓋湖內橫壩及上虞之潛瀆等港始開驛亭堰及賞家陡門引水灌東山蘭風開原等鄉沿流餘三十里康熙志

小檀湖在治西三十七里是湖木屬上虞而灌溉之利
傾而就周五十五頃一十畝一角四十步西與大檀湖
下也

分界東北限本湖之塘南距大官路灌田一十二頃土
門五日小文其水灌於楊樹河頭日東塘角秋灌枇
江口壩之千家港日邱頭湫
灌於枇杷山之裏康熙志

夏蓋湖在治西北七十里上虞縣界下水經云西陵湖

名夏駕湖湖內三十六溝其水灌上虞之新輿等五鄉

之田而陳倉堰開之水則灌餘姚之蘭風一都四保五

保七保九保十保之田一萬六千畝有奇其水道自本

湖餘姚溝開起至抵界陳倉開放水灌四保五保之

水西南至西夾堰坐上虞之第四都西至環堰堰坐上

虞之第五都南至棟樹堰湖門埭東至桐樹堰張公

堰何婆減水開又至於李鹽堰北至茹家堰七保九保

十保則與上虞之第五都聯溝共港車厚東至李鹽溝

北至繆家堰南至茹家堰上虞諸鄉放水六次餘姚溝

放水三次此皆古規二縣之人世守之其後上虞之豪

餘姚縣志

卷八

水利

陳富之懷奸挾私不肯與吾姚同利乃謀廢革往迹洪
武六年蘭風人胡炫輩訟之憲府憲府檄知府唐鐸及
府判吳敬按治悉復古規仍於本府及二縣之廳事本
湖之陳倉開各樹一碑志其本末俾世守毋改焉紹興
府儒學教諭王儼為之記曰越之屬邑日上虞去邑東
北四十里有湖曰夏蓋周圍一里屬邑日上虞去邑東
田瀦水灌其五鄉之田鄰壤餘姚蘭風之田均賴以灌
郡志所謂夏蓋湖一百五里蔭注上虞縣新興等五鄉
及餘姚蘭風鄉是也昔人作渠引水俱有定規歷世既
遠或廢湖為田或復田為湖變置不一舊規湮廢虞邑
之人日湖水我土地所有於姚江乎何與故者而弗與
姚江之人則日水宜通利無往不達豈虞人所可專故
爭而洩勢若建瓴而論之虞邑之高地姚邑之地下水
誠一洩勢若建瓴而論之虞邑之高地姚邑之地下水
靳蘭風他無所緒不得是元其田亦不能有成於茲水
不嗜所不欲而自前未以迄於元其田亦不能有成於茲水
民而姚江民胡炫輩白其事憲府憲府檄其郡守唐公
歸化姚江民胡炫輩白其事憲府憲府檄其郡守唐公
鐸考其實相宜以均其利於是移判府吳公敬親詣
湖所會二邑之長與其耆老考索往誌尋求故迹咨詢
輿論僉謂蘭風一都田為茹家老考索往誌尋求故迹咨詢

境素藉茲湖之水... 宜蔭以茲水... 於二邑以版... 二邑同給... 一郡守盡... 復於憲府... 俾記其事... 湖疏曰秋... 其圩甲諸... 鄉之民重... 云波及蘭... 早時瀟瀟... 至高晴豈... 利云案建... 陳橐上書... 田乃引鑑... 水利之語... 敢侵旨當... 作壕未敢... 日之多故... 諸鄉之田... 歲歲有旱... 水利

餘姚縣志

卷八

水利

七

今則湖盡為田... 知者止上虞... 五里自來... 此六鄉皆... 惟藉一湖... 手以視木... 頃在餘姚... 樂安等湖... 乃盡奪之... 常賦虧失... 每遇旱歲... 上虞丞言... 元年建炎... 百餘石而... 秋朱二萬... 豈不較然... 御前與省... 嬖倖之臣... 以有此省... 漕臺郡守... 之與民一... 體也

俱受其害可不思所以革之邪藁得之父老云本州之湖其自自然可以為田者唯有鑑湖高印去處蓋不失水利兼與民田亦無相妨其他皆隨湖廣狹以定植利之頃故尋常湖水平隄早歲常憂不足愚意欲望執事斷以不疑除鑑湖外諸縣湖田悉罷之以便民誠不贊之利也紹興二年上虞令趙不搖言縣所管夏蓋湖為田不便吏部侍郎李光泰一方利害無甚於湖田乞比較與湖為田以來所失常賦孰多孰少自政和以來以湖為田者乞復為湖得旨張守具經久利害以聞限三日知越州張守言上虞縣夏蓋湖改為田者一百三十一頃二十四畝餘姚縣汝仇等湖一十三所改為田八十一頃四十九畝二年內暗失米四千二百三十六石入斗有零民間所失當復數倍復廢為湖自此兩縣可望全熟委是經久有害無利奉旨依仍自三年正月為始康熙志乾隆志案嘉泰會稽志漁浦湖小檀湖俱載入餘姚而夏蓋湖舊名餘姚溝水澤流通不使一縣專其利自宋以來已有定制矣今仍其舊章云

海隄

海在治北四十里東起上林西盡蘭風七鄉一十八都之

餘姚縣志

卷八

水利

地悉瀕於海水經云餘姚故城背海趙俶賦維會稽之東陲兮表姚邨之崇崇瀕海陬之垠塲兮壯有虞之支封海水北薄海鹽東通定海之蛟門西過纂風亭入鼈子門通於錢塘江暑薄涼微天雨初霽海中有蜃氣夾雲而與倏忽變幻殊為奇觀秋冬值風雨之候又時有海氛彌望蒼鬱商賈或泛海取捷謂之登渾宋燕肅曰渾者海中沙也錢塘海門之渾互二百里登渾趨餘姚者一由錢塘江過鼈子門一出海鹽敵浦並至於東山之四門或收於懸泥山宋元時海船並入梅川之陳遇風恬浪靜瞬息可濟亦時有覆舟者海水南有斥家浦地縱數十里橫互八九十里其產魚鹽鱉蛤稻黍菽麥瓜蔬木棉蘆葦諸鄉細民生業其中然海壻鹵脆潮流溢決數十里之地為海所漸寔入內地蕩民居害嘉穀前代苦

之於是作隄禦海宋慶厯七年縣令謝景初自雲柯達於上林爲隄二萬八千尺其後有牛祕丞者又嘗爲石隄已乃潰決於是歲發六千人役二十日費緡錢萬有五千僅補罅隙民疲而害日甚慶元二年縣令施宿乃自上林而蘭風又爲隄四萬二千尺其中石隄五千七百尺歲令令丞簿尉牙季臨視廟山三山寨官月各遣十兵與鄉豪邏察有缺敗輒治仍請於朝建海隄倉歲刮上林沙田及汝仇桐木等湖廢地總二千畝課其入備修隄費海隄倉及各湖廢地今無一存者至寶慶及元大德以來復潰決海壩內移入鄉之地悉漸於海至正元年州判葉恆乃作石隄二萬一千二百一十一尺下廣九十尺上半之高十有五尺故土隄及

餘姚縣志

卷八

水利

九

石隄缺敗者盡易以石蓋浴海壩之南東抵慈谿西接上虞表一百四十里初名蓮花塘今俗呼爲後海塘宋時分東西部自雲柯以東者號東部塘始築於景初謝景初董役詩五行相交陵海水不潤下處處壞堤防自浪高於馬董眾完築塞跋履率曠野使人安其生茲不羞民社其雲柯以西者號西部塘西部之內曰謝家塘在治北四十里曰王家塘在治北四十一里曰和尚塘在治北四十二里皆前人觀水勢底止因便

宜分部築之長短高下異形至葉恆所築則因舊爲新包山限海縣互爲一無復部分明百餘年來所以無大害者多恆之功然民皆習安利排海壩而居隄日削不完成化辛卯海溢民多溺死正德壬申海又大溢溺死者無算於是始興人徒築之成化辛卯知縣劉規主簿張助董役正德壬申巡撫都御史陶致檄縣丞楊昌

廷及崇德縣典

隄僅完年久又多毀缺每三秋值大汛潮

天嘗連雨東北風張甚海鷗咻咻夜鳴

海鷗俗謂瀕海而

居者多憂海盜隆慶己巳萬曆乙亥壬午復大溢農書云

冬至後七日逢壬主海翻騰其言頗驗故海隄不可不謹

也先是海塘未完築土隄於內地以防潮汐溢決其制隨

地形上下散漫不一曰散塘今皆不治及海塘漸固潮寢

卻沙壩日墳起可藝永樂初始於舊海塘之北築塘以遮

斥地曰新塘以別於舊塘云已而沙壩益起海水北卻十

里許其中俱可耕收成化閒水利僉事胡復於海口築塘

以禦潮曰新禦潮塘自是斥地之利歲登而國家重鹽法

亭民苦煮海天順閒寧紹分司胡琳請以新塘至海口之

餘姚縣志

卷八

水利

二十

地盡給於竈永為鹽課根業毋令軍民侵漁之詔可乃豪

強罔利者告訐無已弘治初詔侍郎彭韶整理鹽法議非

竈戶敢有侵地者每畝歲科銀八分謂之蕩價給竈補課

而豪強愈益爭不解羣竈苦之其明年紹興府推官周進

隆察民竈之情相地淺深於新塘之下築塘界之塘以南

與軍民共利其北惟竈戶是業爭緣是得息因稱塘曰周

塘今按沿海其七塘一大塘二新塘三周塘四夜塘五潮

塘六二新潮塘七三新潮塘界牌離六七里

今原道曰自

開四五里內並可為田患在水泉寡不救然

今塘南田者

遇旱即夜穴塘引海溝水灌之誠令缺古塘

張牛門南北

通水互灌可以兼利是塘北亦有水泉也稍

不足則於並

山頗高處為湖渠備旱如新海湖及海湖並

取諸海地修

禦潮塘令高完於浦口多築水門春雨水盜

決使入海秋

冬築之以障潮汐如此則塘北之地漸為沃壤畝可萬計

畝收一鍾則北鄉民食可坐足矣其北偏不可用者相其
地形合水工準高下博議利害穿大河東注觀海西注臨
山後於漚浦令通轉輸免內河勞費利軍國通商旅其水
又足以溉田又一勞永逸之大利也葉憲祖曰竊見禦潮
塘其沙塗漸漲去海踔遠非昔時石隄之下卽鯨波巨
浸也以故塘南一帶頗爲膏壤梅川上林宜禾稼地重孝
義陶原等鄉以木棉豆麥爲利樹藝既殊水利亦異山
而東各於田下濬新河益深畝陂澤視爲已業諸山而西
原有溝渠相通南北旱可互灌潦可洩水若木棉豆麥其
利倍於嘉穀而水泉似可少緩因地制宜規畫已盡非復
曩時比矣至占塘下穿河東西橫互舟楫轉輸商民並受
其利嘉靖乙卯倭舟泊海東北鄉首受其禍邑令李伯生
請於古塘下開新河以備倭東自觀海西達臨山相距百
餘里闊二丈深一丈許路口各置柵門鄉兵巡邏守禦亦
隱然有金湯之固而患熄備弛豪強擅填塞以廣其私畝
河之故道猶未盡沒也開之而用以溉田一利也淫雨接
旬暴水忽漲水有所洩二利也便舟楫通轉輸三利也海
上卒有警長河之阻足備非常四利也然令海王安石海隄
記自雲柯而西有隄二萬八千尺截然令海水之潮汐不
得旨其旁田者知縣事謝君爲之也始隄之成謝君以書
屬于記其成之始曰使來者有考焉得卒任之成謝君以書
謝君者陽夏人也字師厚景初其名也其先以文學稱天
餘姚縣志 卷八 水利

下而連世爲貴人至君遂以文學世其家其爲縣能以
才自負而忽其民之急方作隄時歲丁亥十一月也親
以身當風霜氛霧之毒以勉民作而除其蓄又能令其民
翁然皆驩趨之而忘其役之勞遂不踰時以有成功其仁
民之心效見於事如此亦可以已而猶自以爲未也又思
有以告後之人令嗣續而完之以承其存善夫仁人長慮
卻顧圖民之蓄如此其亦不可以無思而異時子嘗以事
其傳而得其所以爲其亦不可以無思而異時子嘗以事
至姚而君過予與子從容言天下事君曰道之闕大隱密
聖人之所獨鼓萬物以然而皆莫知其所以然者蓋有所
難知也其治政教令施爲之詳凡與人共而尤丁寧以急
者其易知較然者也通塗川治田桑爲之隄防溝澮渠川
以禦水旱之災而興學校屬其民人相與習禮樂其中
化服之此其尤丁寧以急而較然易知者也今世吏者其
愚也固不知所爲而其所謂能者務出奇爲聲威以驚世
震俗至或盡其力以事刀筆簿書之閒而已而反以爲古
所謂丁寧以急者吾不暇以爲吾曾爲之而曾不足以其
之萬有一人爲之且不是以名於世而見爲才豈其可歎
也夫爲天下國家且百年而勝殘去殺之效則猶未也其
不出於當時予良以其言爲然既而聞君之爲縣其至則
爲橋於江治學校以教養縣人之子弟既而又有隄之役
於是又信其言之行而不予欺也已爲之書其隄事因并

書其言終始而存之以告後之人慶歷八年秋記
海隄記餘姚為紹興壯縣岸大海者入鄉分東西二部綿
地一一百四十餘里舊有長隄蔽民田孝義龍泉雲柯三
鄉沙漲土高無風潮衝決之患開原東山蘭風梅川上林
五鄉閒有缺壞實為民憂慶歷七年縣令謝景初自雲柯
至於上林為隄二萬八千尺王文公記之後百五十年為
慶元二年縣令施君宿又自七上林而蘭風為隄四萬二千
尺其中石隄四所為尺五下七百又其創建者也邑人求
記於予謝之曰令尹之功無諸前人前文公之記何
敢為第二碑請不巳則曰文公之文不可及姑記其實則
可爾余外祖汪公思溫宣和嘗為是邑修獨溪之湖建
承宣之亭後伯父珣從兄錄皆嘗為之婦家王氏自尚書
侯而下四世萬邑中熟知海隄之為害而近世尤甚大率
歲起六千夫役二十日計工一十二萬費緡錢萬有五千
民力不堪曾不足支一歲焉施君始至詢究利害得其要
領選鄉豪公直強幹人所信附者十五人分地而共圖之
平時提刑羅公適知縣祕書丞牛君嘗伐石為隄今計百
年蕩在海塗乃按迹取之得其故石創業二千七百尺用
工二十萬三百六十而東部之田始有蔽障其西部之謝
家塘王家塘和尚塘悉為紹熙五年秋濤所決於是復度
為石隄三千尺鄉民趙明釋子行球董其役約費甚重縣
餘姚縣志 卷八 水利

不足供列於府監司提舉常平劉公誠之首助穀三百斛
勉為之凡所陳請率應如響通守王公介幹辦公事王君
柄左右尤力令得展市而隄用告成其高一丈石厚一尺
為一層用石三萬尺縣出緡錢四千三百有奇縣之士大
夫與其鄉人助工三百萬費猶未足也然則茲役亦甚重
大矣思其重而恤於守護縣之官分季臨胝即白諸邑
兩寨官月遺十兵巡之鄉豪仍伺察焉稍損缺即外之
補治之復議刮上林海沙田二百三十畝及汝仇湖外之
地六百八十三畝桐樹廢湖七百四十五畝凡為田一千
六十八畝又將益求曠土以足二千畝之數築倉於縣酒
務之西儲其歲入以備修隄之用歲省重費民遂息肩而
劉公復請諸朝乞以其用準常平法一毋他用仍禁官民
戶之請天子輒報可吏民祇拜明命刻之堅珉竊惟令之
幸劇縣者簿書期會日不暇給如水刻之堅珉竊惟令之
以辦聞其至誠愛民而才習是以行之如施君者幾何人
哉君湖之長興人司諫之子司諫用不盡其才君能世其
家其治縣百廢具興錄績寸累以成是役中閒易地之行
咸恐敗於垂成及其來歸為之愈力百年之害一日以除
夫天下之事害不革則利不興今民困已甚令以深長之
思而興民庸賢部使建自甚明而聖明勤恤民隱遂濟登
茲若有數然庸作為詩存使後人鄉湖海分水浴日而吞空
曰舜江之為邑兮處越之封天鄉湖海分水浴日而吞空

古有長隄兮庸蔽遮乎一同人力有限兮海濤之來無窮
壽來如山兮駕以颶風隄遂決壞兮葦不可障而泥不可
封民將為魚兮良田墊於馮夷之宮歲歲勞費兮民告以
鞠凶萬五千之縉錢兮十二萬之民工惟令之賢而才兮
有尉曹之和衷築土索石兮折彼巨測之衝轟如長城兮繚
海南之西東部使者主之於上兮飛章徹於九重仰明聖
之洞矜兮朝奏而暮惟民欲之從墾田倍於千畝兮藏其
收於囊中禁豪右之侵漁兮惟修隄之是供化斥鹵兮土
膏隆降變歉歲兮為年之豐良耜麥麥兮多稼芄芄樓之
積之兮將櫛比而墾崇惟後人之勉勉兮用心似公視此
隄之缺兮謹頌頌而彌縫念經始之艱難兮尚圖功於厥
終之厥後增築視舊倍蓰隄或罅弊不堅受潮之齧隄摧頽
圯甚則蕩析民田漂沒廬舍於是歲役夫六千人役二
十日率於農隙修築吏或苟且董治不堅役罷隄壞徒耗
財力慶元二年合施宿始因歲且董治不堅役罷隄壞徒耗
所以永其存蓋東之為雲柯梅川上林在承平時嘗有牛
祕丞斲石為隄歲久隄移石亦湮沒命工求之於淖乃具
得之爰相舊規畢力疊累既壯東偏矣西之為蘭風東山
特當焉勢衝徒恃土隄懼不能久則又計工採石鼎新
改築蓋為費者八千緡而西偏石隄復立焉深惟厥終俾
民蠲役經營海塗開墾曠土總之得田千六百畝有奇乃
餘姚縣志 卷八 水利

卷八

水利

三

建海堤倉用其租入隨時補苴力不下困隄亦固完自是
歲省民夫千有二萬提舉常平劉誠之以事請於上報可
而顯謨閣學士樓鑰為之記元陳旅海隄記餘姚北枕
大海其地曰蘭風東山開原孝義雲柯梅川上林者皆潮
汐之所爭也當宋為縣時慶歷七年知縣事謝景初自雲
柯至上林為隄二萬八千尺慶元二年知縣事施宿自上
林至蘭風為隄四萬二千餘尺中石隄四計五千七百尺
餘盡累土耳施令以土累者易敗當每歲勤民糜財乃請
於其上之人置隄田二千畝以得於田者時其敗而治之
而寶慶中民淪於海者始百家土隄雖勤治不足恃也皇
元陸餘姚為州州視縣得展其所為然未有能除民所甚
病者蓋海壩自寶慶內移大德以來復益衝潰今壩去舊
涯之墊海中者十有六里歲健木籠竹納土石潮輒去
之謝家塘南為汝仇湖大將千頃餘支湖連之其大強半
州西北田悉受濼注海既迫湖等為廣斥而潮勢昂於平
地鹹流入港遂達內江田失美溉故連歲弗穫而殫民力
隄農丁與風濤抗而幸不勝蓋四十年矣及元至元之四
年四月方成隄六月復大壞紹興路總管府檄委州判葉
君恆治之君視壞隄自開原至蘭風見凡土為者皆關惡
愀然曰是則為民醜也自窮已乎遂與其鄉老人議為石
隄宜則又曰攻石費鉅出錢大農當煩文書遲歲月比得
請州其沼矣若等能與我共為之乎今費雖鉅常歲之費

則省而若與子孫奠居無虞也聞者咸曰民志則然自於
府府亦聽民所為於是田者願計畝出粟或輸其直以
力至者亦喜於服役焉民高年者與正於里者掌出納
以率作又請於府免民他科徭以悉力是役宣闢亦下書
毋以他事使葉判官輒去州君先使人浚河渠復廢防畜
湖水伐石於山以舟致之分眾作爲十有五所所有程督
君往來莅之其法布代爲趾前後參錯棧長八尺盡入土
中當其前行陷寢木以承側石石與棧平乃以大石衝縱
積疊而厚密其表隄上側置衡石若比櫛然又以碎石傳
其裏而加土築之隄高下視海地淺深則又餘淺則餘
七尺長則爲尺二萬一千二百一十又一也其中舊石塘之
危且闕者亦皆治完之至正元年二月癸亥成是役也用
民之力而民不知其勞賦民之粟而民不知以爲費往往
喜而言曰餘姚自今其有州乎吾歲歲因於禦海自今其
遂休乎因運石以治川澤遂得沃吾田浮吾舟乎州士楊
瑛以教官謁選京師致其長老之言以求記葉君鄞人字
敬常國子生釋褐授是官在成均時余忝師屬最相親能
深知之天下之事蓋未有不可爲者不知所以爲又使人
得以其私欲而撓之是以爲之而難成也敬常清謹而詳
練清謹則守嚴詳練則慮周慮周而守嚴則得其所以爲
又無有能撓之者故於人所難成者而能成之餘姚自前
代至今豈無用意於是隄者而其迹泯矣數百年之久惟
餘姚縣志 卷八 水利

謝施二台與敬常之功稱焉而敬常所爲視二台蓋尤倍
焉則求世之能爲知敬常者豈不亦甚少哉余故著其所
以能者爲世道也敬常到州當大火後能佐其長舉百廢
作譙門製刻漏起舜江樓新捕盜司廨舍以至申禁令興
教化鋤奸抑強以保寧善長事多可紀者而隄則其大云
至正二年三月望日記 玉沂海隄記餘姚濱海之田歲
墾朝夕判官葉君版作石隄以捍之爲尺二萬一千二百
十有一既告成而他主隄之差可緩而未幾以石者則所
未暇也時家公文瓚守紹興嘉葉君之功而恤其將代請
浙江行省丞相及部使者俾得終其役而葉君謝事矣未
幾完者都來代宋公因督完者都成之繼宋公之後者爲
泰不華公其督成是役亦竊究心焉乃又作石隄三千一
十有四尺總爲尺二萬四千二百二十有五自是以往民
不病海而歲入倍他曩葉君之功於是乎大矣事有可繼
君子繼之不必其學於已若完者都豈非善繼者乎然則
變因循以就功效俾得展其才濟其志亦宋公泰不華公
有以成之也然則政之廢舉豈不繫乎人哉 汪文璟海
塘記曩余佐治是州每歲二三月鳩人夫葺木石以修海
隄民苦之余蓋從事於是亦不過修葺趨急以紓目前未
有以大慰於民也今二十年自翰林復來是役之不復講
也數年矣小民晏然得及時以勤業爲吏者無往來督責
之勞葉君石隄之功於是里談家誦樹而刻石而不能自

已也嗚呼是可謂有功於州民者矣父老爲余言石隄既成昔之衝齧壑溺之處沙塗遂壅蘆葦叢生縣互數十里若有天助然亦異矣余既嘉葉君之功又自愧其不能及日與判官楊君及州之民巡行隄上視損缺罅漏者補而築之而立石州門之左以示來者庶幾久而不壞焉至正七年三月十五日記 康熙志 至、國朝

蓮花塘與塘下增築諸塘日就墮圯舊志所載沿海七塘皆離海闊遠矣雍正二年周塘下增築榆柳塘乾隆二年復請發公捐錢加築完固先是餘姚海塗歷年漲沙當增築護沙塘雍正十二年於榆柳塘外民竈按丁捐築利濟塘乾隆十二年以工代賑請帑銀一萬四千餘兩添築梁下倉馮東干墩直塘十八年奉部咨於鳴鶴石堰二場民戶竈戶按田捐錢每年共額徵五百二十四千五百二十八文積收成數分年修築支銷二十六年發公捐錢排積

餘姚縣志

卷八

水利

五

土牛一千五百五十四座以衛塘基今濱海塘隄惟大古塘周塘榆柳塘利濟塘最爲扼要榆柳塘迤西自梁下倉方東路爲界東至慈谿分界之洋浦設溢洞十六以洩山水及蔭二浦橋關利濟塘自西梁下倉方東路增築至東洋浦與慈谿分界乾隆二十三年依千文編列字號碑碣七百七十七座通塘工長一萬五千五百三十三丈五尺分梁下梁上二倉柏下柏上二倉埋下埋上二倉及杜家圍上中下三管分員管轄經理添築之梁下倉馮東干墩直塘自火字號至而字號風灣單道工長三千四百餘丈又自火字號西至上虞烏盆天字號間段石土塘工長一千三百餘丈塘外留護沙二十丈禁創土刮淋勒碑於海

塘中道永為制乾隆志

案大古塘新塘周塘湖塘今名稱如舊夜塘俗名界塘
二新湖塘俗名二塘又名坎塘三新湖塘俗名三塘實
即榆柳塘利濟塘俗名四塘自新塘周塘築而大古塘
通舟洩水自利濟塘築而榆柳三塘亦通舟洩水嘉慶
以來增築晏海塘俗名五塘又築永清塘俗名六塘晏
海塘東起洋浦西至干墩永清塘東起洋浦西至歷山
全麓止永清六塘之下埋上下兩倉近又築有
新六塘保障重重而禦潮以永清塘為最要

堰

蘭風鄉堰一十三所嘉泰會稽志

案嘉泰會稽志不載諸堰之名嘉靖以來諸舊志因仍
湖經備書堰壩諸名於各湖之下時代既遠容有增減
是故執卷以求往往不得其處而采訪所得轉有出於
舊志之外者今取舊堰之利害較鉅及經後人修改者
視其所在之鄉分別書之而增設諸堰亦附及焉

兩灌注堰 無名堰 顧堰俱乾隆中修乾隆志案
兩灌注堰本

餘姚縣志 卷八 水利

在姚虞界乾隆間移建姚界沈姓東南

馬家新堰在馬家堰北上白兩灌注移建不能蓄水設新堰

趙家堰 鑑堰 小鑑堰 後郎堰 湯巷堰在蘭風

都皆界上虞水

小夾堰 洞橋堰 張清堰在蘭風二都乾隆間設

東山鄉堰九所嘉泰會稽志

湖東堰即余支湖之東土門在東山一都之西乾隆中

修乾隆志

橫河堰在東山一都寶車壩

臨山東門堰 臨山南門堰亦名余家堰在東山二都

開元鄉堰二十三所嘉泰會稽志

長堰俗稱閘頭堰 戴家堰 小里堰今均作車壩

何山堰 潛水涇堰 東蒲堰 箬林堰 呂安堰俗稱

里義均開通已久案諸堰之不閉由汝仇湖已廢故

邱保堰俗稱秋波堰 前曾開通光緒五年由天華村符姓築

閉兼砌以石

風林堰康熙二十年夏澇水衝決五十餘丈者民訴於

地長一百十五弓闊五弓歲分十旬防護水旱不得私

開嘉慶中居民漸多始改車壩以便行運道光初堰北

增建減水石置開元一都推字號田十畝有奇備修閘

費同治初南離兵燹車拔乏人里人章鳴盛爰集鄉鄰

仍分十旬防護并請水利廳出示勒石永禁車拔私開

光緒二十年秋旱耆民俞國治等呈請開掘灌溝引蓄

大江之水以溉田禾邑令周諭俟

蓄水完足仍將灌溝填復完固

餘姚縣志

卷八

水利

三

雲柯鄉堰一十三所嘉泰會稽志

扶蘇堰在雲柯鄉乾隆中修乾隆志

小馮堰今改稱董家義閘石梁刻小閘外堰址尙存蓬閘三字

眉山堰在雲柯三都實車壩

孝義鄉堰二十三所嘉泰會稽志

後樂堰俗稱豫樂堰嘉慶間邑人劉廷煌於堰下創造

廷煌之元孫慶升 福升捐資修復

梁家堰 許家堰今均作車壩

徐堰 湖堰今均改為橋

金家堰在許家東堰南里許光緒十六年邑人謝元壽

石堰逾年工竣用洋銀三千九百餘圓

界堰在高甸陳村 泥堰在邵巷朱九郎廟後或云卽

舊任堰 馬家堰在一都大趙堰西南數十步

化龍堰在孝義雲柯二鄉之界南為兩低仰堰後低仰堰西接

汝仇湖兼上游夏蓋之水堰旁舊有閘年久傾圮道光間邑人謝守庸捐錢二千緡設為減水堰兼得蓄洩之用數十年來激湍所衝罅漏日甚光緒十一年邑人周文富等捐募修築並增建減水閘水溢則洩旱則引潮挹注上河互見下低仰堰閘

通德鄉堰一十所嘉泰會稽志

龍泉鄉堰五所嘉泰會稽志

方清堰今改稱塘 黃公堰今廢

燭溪鄉堰四十八所嘉泰會稽志

丁真堰光緒十八年署知府時履勘閉如舊

菱池堰舊有澤洞二年久堰失修而澤洞亦壞光緒四五年大閘頭村毛姓集下河殷富捐資修砌水利

餘姚縣志 卷八

雙雁鄉堰一十三所嘉泰會稽志

梅川鄉堰七所嘉泰會稽志

上林鄉堰三所嘉泰會稽志

冶山鄉堰三所嘉泰會稽志

雲樓鄉堰八所嘉泰會稽志

莫家堰 富靈港堰在雲樓鄉

鳳亭鄉堰十一所嘉泰會稽志

案以上並據嘉泰會稽志著錄其最先見者參以見在采訪所有分隸於下今昔之殊為有徵矣至於水之為道必有蓄以資灌溉之利亦必有洩以澹汎溢之災自昔齊桓主盟尚禁曲防自十治水貽譏鄰壑實古今龜鑑也縣屬河渠兼受上虞諸山溪流來源頗盛所賴江流近海不至壅遏為患然其勢不能無異日之變遷尤難保無非時之旱潦要在城鄉耆碩率先士庶泯彼此之畛域權利害之重輕必乘利之均焉斷休戚為一體

以時消息而協於咸宜無論宋元以來陳迹難尋即今之所述亦不必一成不變也

壩

大江口壩在治西南三十五里雲樓鄉亦名下新壩左江

右河河高於江丈有五尺明越州航往來所必經康熙志

鄉心壩竹橋壩木條壩諸壩矮墩壩宋公壩在東山鄉

之一都據舊志

楊水壩張健壩在東山鄉之二都據舊志

溫家壩在上林鄉之一二都據舊志

念啟橋壩顧打網壩在蘭風鄉之一都據舊志

陡壩壩在燭溪鄉康熙志同治二年邑人勞長齡募捐

五日菁江日好義日懷清日抱道日香家散布於雲樓燭

餘姚縣志

卷八

水利

无

溪開元三鄉灌沃良田古人遺制如此可謂善矣明嘉靖

老知堰之廢將二百年既廢之後水無滯蓄田禾屢稿同

治元年雲樓勞長齡慨息興復議按畝捐穀以資經費遠

近聞之踴躍樂輸余即命勞君董其役經始於癸亥之七

月先賀墅次陡壩次年甲子某月各堰次第告竣且於陡

壩賀墅堰側添設水閘即懷清抱道香家三堰亦各穿小

穴釐以石旱可灌潮澇可洩水規畫之周非復曩時可比

復以餘資置田二畝備修葺支

張山坡新壩在龍泉鄉一都石堰西北光緒十八年邑人

募建蓋石堰閘門窄狹地勢高低懸絕活石林立下河小

運河新開在雲樓鄉一都大江口壩上運河十八里其塘起自塘上至慶源橋僅百丈而內障河水外捍江濤開則

備旱戽水以資灌溉然埒而善圯河水立涸豈惟病旅且以病農明萬曆丙申里人陳太宰有年周憲副思宸白於分守道吳獻台檄下眾議將壩夫新認役銀并鹽埠共計緡錢百二十千為椿石費半載而工告成迺立石壩上周憲副為文以紀其事

康熙志 案光緒十六年署縣事何兆愷重修立石記曰姚邑下壩旁建

大閘兼分設龍鬚閘一座壩以過船閘以蓄水上保運河下衛潮路關係既重工作宜堅云

李家閘在通德鄉三都宋建隆三年建今廢已久二石柱

尚存緣溪流遷徙不常不敢議再建

康熙志

周家埠閘在通德鄉三都節刻湖之水緩注於江旱時極

為有益

康熙志 案閘建於明天啟時光緒二十一年重修

石堰閘在龍泉鄉一都西南受姚江之潮灌於龍泉諸鄉

餘姚縣志

卷八

水利

三

其東受橫河游涇之水行之於江實餘姚東北方水道咽喉而其水門窄隘潮水無大出入司閘者射商舟之利縱閉不時旱澇無所於救

康熙志 案此閘近不通舟詳上張山坡新壩

南湫閘在龍泉鄉一都節燭溪湖下原之水使不下傾於

江

康熙志

東橫河閘在龍泉鄉一都節燭溪湖上原之水使不傾於

下原

康熙志 案嘉泰會稽志閘在縣北三十里

黃家堰閘羅樹橋閘在梅川一都

據舊志體子湖注

匡堰閘在梅川鄉二都節游涇及上林湖之水水門亦頗

隘不能洩游源諸澗暴水

康熙志 案嘉泰會稽志作康堰閘在縣東北五十里

水霍閘在梅川二都廢

康熙志 案光緒十六年里人應文標集各竈董事業戶捐資開掘

澤河修造浦閘稟請署邑令忠禁止阻塞水道及私啟捕魚互見下雙河閘洋浦閘注

勻元閘在梅川鄉二都徐家壩之東北係徐氏新建下截

勝山後不測之鹹潮不及於田畝上匯勝山前之蓄瀦平

流悉奔注於閘以佐湖水之不及里人徐岳徐嶠捐貲倡

助地方咸賴之康熙志

白石堰閘在上林鄉一都節上林上澳二湖之水康熙志

雙河閘洋浦閘在上林二都今廢東界於慈谿之鳴鶴鄉

水自上林西南行六十里經四堰四閘始達於江東注鳴

鶴地卑易流不十五里已達於海唐景隆元年乃創二閘

於樣塘之南曰雙河北曰洋浦洩上林暴水宋乾道九年

開慶元年元天厯間皆修治之以故上林諸鄉寡水患明

餘姚縣志 卷八 水利 三

永樂初西廢上林之學家隸宋時嘗置此隸以東廢鳴鶴絕梅川游涇之水

之黃泥埭置松浦閘水東行益利而慈之豪猾者故欲塞

雙河閘輒下土石以射鹽夫負販之利每霖雨水暴至盡

淹上林諸鄉禾稼廬舍正德十一年里人毛鳳何明孫俊

始白其事於御史臺慈人忿爭之積歲不解更巡按御史

成英劉廷簠檄台郡守顧璘杭郡同知丁儀臨治之於是

觀地形考便宜咸謂雙河置閘有利餘姚無妨慈谿乃踵

唐宋以來之蹟復為石閘餘姚人世守之且與慈谿併力

疏浚洋浦使永無填淤反壤之害然累年爭且未息在慈

人則曰雙河原有破山洋浦二閘洩水入海即今洋浦已

漲為桑田高互一二十里倘議開浚非萬人之功不可慈

人則曰雙河原有破山洋浦二閘洩水入海即今洋浦已

人肯併力而均作乎吾有以知其不能也則雙河之水將安歸哉况上林地高鳴鶴地低貧負販之小利強鄰壤以必不可受之害非計之得矣

康熙志

案今利濟塘晏海塘永清塘皆置洋浦開及水窪浦開水窪浦最為利水要道光緒庚寅開掘注海三千餘弓洋浦水窪浦之開更有破山浦等開

古新開張家開上塘開在上林一都杜上管周塘蓄大古塘下之水光緒二十年耆民陳啟肇等重修

確山開在燭溪三都南通江潮直至黃清堰北受獨姥湖及新湖之水春夏閉以利農秋冬開以出商而市猾故為築塞恣其需索商民兩病萬歷二十七年居民嚴史澤等呈縣遂立石示誠然此弊蓋不特確山一開為然也

康熙志

餘姚縣志

卷八

水利

三

謝汶堰開在燭溪鄉確山堰之北

乾隆志

橫河減水開在東山鄉一都

據舊志牽山湖注案光緒十九年邑人陳奎璋修

廣墅廟開砂堰下界開在雲柯鄉二都

據舊志黃山湖注

眉山開鮑家開石開在雲柯三都

據舊志附子湖注

低仰堰門在孝義雲柯兩鄉之界

案堰實在孝義界

堰有二

案低塘市又有老堰并後堰南堰為三

里稍南半里許曰南低仰堰稍北又置一開以分南堰水

勢舊志祇載其一

乾隆志案許願虎記略低仰堰舊係土塘未有堰開康熙癸未大水旋成巨

浸既又水涸河槁秋成絕望茅君會聖捐建石塘造石開以便舟楫建開門以便蓄洩歲竟有年後低仰堰至雍正丁未張君授之亦如前堰之捐建石塘並開門水旱無慮

伏虎開石姥開在孝義鄉

吾容閘在雲樓鄉內蓄樂安湖水外引潮水嘉慶二十五年葉姓建

後閘在鳳亭鄉二都南上畝村光緒十九年耆民韓巨忠等重修

案閘多與橋連凡附見橋渡者茲不複出

陡門

東山陡門

嘉泰會稽志

雲柯鄉陡門二所

嘉泰會稽志 康熙志 在雲柯鄉曰眉山陡門

龍泉鄉陡門五所

嘉泰會稽志 康熙志 在龍泉鄉曰沙河陡門

上林湖陡門五所

嘉泰會稽志 康熙志 在上林鄉曰孫家陡門曰孟家陡門

冶山陡門

嘉泰會稽志 康熙志 在冶山鄉曰諸郎陡門曰孫家陡門

餘姚縣志

卷八 水利

雲樓陡門

嘉泰會稽志 康熙志 在雲樓鄉曰橫河陡門

燭溪湖東陡門

嘉泰會稽志 康熙志 在燭溪鄉曰菁江陡門

石堰陡門

嘉泰會稽志

梅川陡門

康熙志 在梅川鄉曰廟山陡門

鳳亭陡門

康熙志 在鳳亭鄉曰黃莊陡門

孝義陡門

康熙志 在孝義鄉曰仁風陡門

餘姚縣志卷八水利終

光緒重修